

# Willem Vermandere, De Zotte Keunink

&#039;t Is jaren geleden waar da&#039;k ga van zingen  
van voor juldern tijd, je ziet &#039;t is heel oud  
er leefde een keunink met zijn keuninginne  
in een kastele van marmer en goud

En rond da kasteel daar weunden de mensch&#039;n  
al even arme maar ze waren kontent  
een bete van &#039;t brood en nen slok uit de beke  
ze waren dat heel nunder leven al gewend

En met op zijn kop een krone vol perels  
stond de keunink te kijken over &#039;t land  
hij zuchtte verdrietig, de tranen in zijn ogen  
maar keunink, maar keunink, wat is &#039;t er an d&#039;hand

En de keunink verdeelde zijn geld aan de mensch&#039;n  
en voor zijn krone wierd er gelot  
en nu was &#039;t er leute en iedereen was rijke  
want de keunink is goed, want de keunink is zot

Maar achter een weke begon de miserie  
elk schraapte en schartte z&#039;n geld bie mekaar  
ze deden commerc&#039;en in kroegen en cafeetjes  
ze verkochten under vrouwe met kop en haar

En z&#039;hadden nu een sleutel en een slot op de deure  
ze liepen gewapend een mes op den buik  
&#039;t waren al goe burgers bie klaar lichte dage  
maar al bandieten en dieven in den duik

Maar ver in de vreemde daar zwierf nu de keunink  
een mantel op z&#039;n schoer&#039;n en een stok in zijn hand  
content lijk een kind met nen slok uit de beke  
en met zijn blote voeten in &#039;t zand.